

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. IV. Dilvuntur præcipua argumenta Vvendrochij

[urn:nbn:de:hbz:466:1-77355](#)

non solum ignorantiam invincibilem juris naturalis, sed etiam ignorantiam invincibilem juris positivi, esse malam & culpabilem, cum illa pariter a peccato originali proveniat, & per cul-
pam primi parentis in hominum mentes invecta sit. Ostendimus etiam quod esti peccatum origi-
nale sit nobis voluntarium voluntate capitum, quantum ad privationem gratiae & iustitiae ori-
ginalis, quā in pœnam illius spoliati sumus, ta-
men omnes effectus ex eo promanentes non cen-
tentur nobis voluntarij & culpabiles; alioquin infidelitas negativa, & motus inordinati concu-
piscentia, prævenientes consensum voluntatis, imò & ei repugnantes, essent peccata; cum in-
fidelitas negativa, & fomes concupiscentia, sint
effectus & pœnae originalis peccati. Unde egre-
giè D. Thomas in 2. disp. 30. qu. art. 2. in corp.
Oportet (inquit) quod secundum hoc quod ali-
quid rationem culpa habet, secundum hoc ratio-
voluntarij in ipso reperitur. Sicut autem est quod-
dam bonum quod respicit naturam, & quoddam
quod respicit personam; ita etiam est quodam cul-
pa natura, & quedam persone. Vnde ad culpam
persona requirit voluntas persona, sicut patet
in culpa actuali, qua per actum personæ committi-
tur: ad culpam vero naturæ (id est originale pec-
catum) non requiritur nisi voluntas in natura illa.
Cum ergo ignorantia invincibilis juris naturalis
non sit voluntaria voluntate persona, esto sit vol-
untaria voluntate naturæ, sicut peccatum origi-
nale à quo fluit; non est peccatum formaliter, sed
tantum materialiter, ut ex supra dictis patet.

Objicies quidam: Non potest dari ignorantia invincibilis de jure naturali, sicut nec de existen-
tia Dei: Ergo omnis ignorantia juris naturalis,
vincibilis & culpabilis est, subindeque à pecca-
to non excusat. Consequens manifesta est, Ante-
cedens verò docetur à pluribus antiquis Theo-
logis, quos refert Vazquez in 1. 2. disp. 120. cap.
2. Inter quos præcipui sunt Albertus Magnus,
Alessius, D. Bonaventura, Guillelmus Parisiensis,
Durandus, Gabriel, & Adrianus. Imò Gerlon
lib. de vita spirituali lecit. 14. corol. 3. testatur
eam sententiam esse concordem: *Quidquid sit*
(inquit) *de ignorantia facti aut juris humani po-*
nitivi, concors est sententia, nullam in his qua le-
gis divina sunt, cadere ignorantiam invincibilem.
Favet etiam D. Thomas 1. 2. qu. 91. art. 2. in corp.
ubi docet jus naturale esse conceptionem homini
naturaliter inditam, quā dirigitur ad conve-
nienter agendum in propriis actionibus, & quan-
dam legis æternæ in creatura rationali participa-
tionem, juxta illud Propheta Psal. 4. *Signatum*
est super nos lumen vultus tuus Domine.

Respondeo, in jure naturali tria esse genera
præceptorum: quedam notissima & universalissi-
ma, que non tam dicenda sunt præcepta, quām
præceptorum omnium principia; cuiusmodi
sunt ista: *Bonum est faciendum: Malum est fu-*
giendum: Quod tibi fieri non vis, alteri ne fece-
ris. Ad hanc reduci possunt quedam ex præceptis
Decalogi, que ex eis nullo negotio à quovis ra-
tione utente citò deducuntur: ut quod Deus sit
colendus, quod parentes sint honorandi, &c.
Alia sunt, quā licet immediate etiam ex iisdem
principiis inferantur, non tamen ita facilè & evi-
denter sicut ea quā modò diximus: hujusmodi
sunt alia præcepta Decalogi, ut non furari, non
mentiri &c. Alia denique sunt præcepta in jure
naturali non per se nota, sed velut conclusiones
aliorum quā diximus, & quā non nisi discursu

Tom. III.

A & labore ex eis deducuntur. Quamvis ergo om-
nes convenient, quod non possit dari ignorantia
invincibilis de præceptis primi & secundi gene-
ris; certum tamen & indubitatum est apud
Theologos, de ultimis posse dari ignorantiam
invincibilem, nedum apud doctos & litteratos, sed
etiam apud doctos & litteratos, qui sāpe dubi-
tant, & aliquando in contrarias dividuntur senti-
entias, an aliquid jure naturæ vel jure tantum
positivo præceptum aut prohibitum sit. Plures
etiam graves Theologi existimant, apud rudes
& indisciplinatos posse dari ignorantiam invinci-
bilem, saltem per aliquod temporis spatium, de
præceptis tertiaræ classis; imò & toto tempore vi-
tae, si hujusmodi præcepta negativa, v. g. non
occidere, non furari, non mentiri, considerentur
ut vestita aliquā circumstantiā, vel conditione;
sicut furari ad dandam elemosynam, mentiri ad
propriam vel alienam vitam tuendam, occidere
cum qui est morti proximus, ne diu agonizet.
Unde refert Vazquez ubi suprà disp. 122. cap. 2.
se vidisse rusticum, qui pium existimabat, & agro-
tum jam jam moriturum in alteram partem ver-
sare, quō citius exhalaret animam, ne diu mor-
tis dolore detineretur: neque unquam id illici-
tum, imò honestum & pium semper illi appa-
ruisse; eumque factō sufficienti examine à se de-
prehensum ignorantiam invincibili laborasse. Un-
de cūm Albertus magnus, Alessius, D. Bonaven-
tura, & alij antiqui Theologi supra citati, docent
non posse dari ignorantiam invincibilem juris
naturalis, loquuntur de jure naturali, ut continet
præcepta primi & secundi generis, non verò de
præceptis tertiaræ & quartaræ classis. Eodem modo
intelligendus est D. Thomas, cūm docet jus
naturalē esse conceptionem homini naturaliter in-
ditam: hoc enim verum est de jure naturæ, ut di-
cit notissima illa & generalissima principia mo-
rum, quā nullo indigent discursu, sed statim ha-
bitā notitiā terminorum, ipso lumine naturalis
rationis innoteantur; non verò de aliis, quā non
nisi discursu & labore ex istis deducuntur.

S. IV.

Diluuntur præcipua argumenta Wendrochij.

LICET ex principiis jam statutis facile solvi
possint præcipua fundamenta Wendrochij;
ne tamen quicquam insolutum maneat, ea bre-
viter hīc referemus ac dilucemus.

In primis ergo probat autoritate Doctoris
Angelici, opinionem probabilem falsam, & ju-
ri naturali repugnantem, neminem à peccato peni-
tū eximere, & tria adducit ejus testimonia ex
quodlibet desumpta. Primum habetur quodlib.
8. art. 13. ubi S. Doctor ait: *Illiud quod agitur
contra legem, semper est malum, nec excusat per
hoc quod est secundum conscientiam.* Secundum
sumitur ex quodlib. 9. art. 15. ubi dicit: *Error quo
non creditur esse peccatum mortale quod est pecca-
tum mortale, conscientiam non excusat à toto, li-
cet forè à tanto.* Tertium depromit ex quodlib.
3. art. 10. ubi sic habet: *Nullus excusat, si se-
quatur opinionem erroneam alicuius Magistri; in
talibus enim ignorantia non excusat.*

Addit S. Doctorem hanc doctrinam ex inge-
nio proprio non peperisse, sed ex certissimis
Scripturæ oraculis desumpta. Quid enim clari-
rus (inquit) quām illa Christi vox: *si cœcus
cœco ducatum præstet, ambo in foveam cadunt;* &
Quis autem negat cœcum esse, qui opinionem

Rt

259.

260.

probabilem falsam sequitur, cùm veritatem, A id est verum lumen non cernat? Corrupt ergo ipse in foveam, si secutus fuerit fallax illud lumen, quod ipsi falsitatem exhibet, similitudine veritatis induitam. Quid validius (addit) quam iste Proverbiorum locus: *Est via qua videtur homini rectissima, & novissima illius ducunt ad mortem?* Quid enim aliud via, qua videtur recta, & non est, nisi falsa probabilitas? Omnis certè conscientia illa probabilis ab errore nihil differt, cùm falsum amplectitur: Ergo falsa probabilitas, quantolibet suffragantium numero, seu adventitiae auctoritate munita & juvatur, non excusat à peccato, sed ducit ad mortem.

261. Id confirmat exemplo defuncto ex Evangelio. Nulla enim (inquit) opinio falsa probabilior fuit, quam ea, quā Iudei, quibus minus bene cum uxoribus conveniebat, fas sibi esse censent dare illis libellum repudij; nullus siquidem apud ipsos doctū id suplicabatur illicitum: & tamen ex Christi verbis, qui repudium tantum ad duritiam cordis declarat Iudei esse concessum, & dimissam ab aliquo uxorem sine adulterio duci non posse, constans Patrum traditio conclusit nunquam Iudei repudium licuisse.

262. Addit aliqua SS. Patrum testimonia, praeferunt illud Tertulliani de spectaculis cap. 20. *Erasmus, nusquam & nunquam excusat quod Deus damm̄: nusquam & nunquam licet, quod semper & ubique non licet.* Et ictus D. Bernardi de præcep. & dispens. cap. 14. quod probabilitates falsas (inquit) funditus disjicit: *Vt interior oculus verè sit simplex, duo illi arbitror necessaria, charitatem in intentione, & in electione veritatem: nam si bonum quidem diligit, sed verum non eligat, habet quidem zelum Dei, sed non secundum scientiam, & nescio quomodo iudicio veritatis vera esse possit cum falsitate simplicitas.*

263. Respondeo primo, hac testimonio magis nocet, quam prodest Wendorchius: Tum quia hæc generaliter probant, ea quæ sunt ex ignorantia live juris naturalis, live positivi, non excusat à peccato; & tamen ille fecit. 3. §. 7. exprefse docet, ea quæ sunt ex ignorantia invincibili juris positivi non esse peccata, etiam sunt legi positivæ contraria: Tum etiam, quia illa fraudent, non solum non licere sequi opinionem probabilem, sed nec probabiliorem, immo nec probabilissimam; cùm contingere possit quod opinio etiam probabilissima sit falsa, & legi naturali contraria. Cùm ergo hæc testimonia nimis probant, nihil omnino suadent. Unde

264. Ad primum locum D. Thome respondeo, illud quod est contralem semper esse malum, nec excusari per hoc quod est secundum conscientiam, erroneam errore crasso & affectato, qui non excusat à peccato: benè tamen id quod est secundum conscientiam erroneam, errore invincibili & inculpabili, quem à peccato eximere docet S. Doctor, non solum locis supra citatis, sed etiam in illo articulo 13. quodlib. 8. in argumento, sed contra, ubi sic ait: *Si aliquis adibet diligentiam, inquirens an habere plures præbendas sit licitum, nec inventit aliquid quod ipsum moveat ad hoc quod sit illicitum, videtur quod sine peccato plures possit præbendas habere:* At fieri potest quod sit contra legem divinam habere plures præbendas: Ergo ex S. Thoma ille non peccat, qui ex ignorantia invincibili facit aliquid legi divinae repugnans. Ex quo patet responsio ad alium locum ex quodlibeto 9. defumptum:

quando enim S. Doctor ait: *Error quo non creditur esse peccatum mortale quod est peccatum mortale, conscientiam non excusat à toto, licet foris à tanto, loquitur de errore crasso & affectato, non vero de invincibili & inculpabili.* Idem profus dicendum ad tertium textum quodlibet 3. art. 10. ubi legitur: *Nullus excusat, si sequatur opinionem erroneam alicuius Magistri:* hoc enim intelligendum est de eo, qui ex ignorantia invincibili & culpabili opinionem illam sequitur; fecit vero de illo, qui invincibiliter & inculpabiliter talem errorum ignorat.

Eodem modo exponi debet illud Matth. 15. §. cœcus cœcum ducat, ambo in foveam cadent, & ictus Proverb. 14. *Est via qua videtur homini iusta, novissima autem ejus deducunt ad mortem.* Nam in primo sermo est de cœcitate affectata & voluntaria, quā revera Pharisæi tenebantur: in secundo de via, qua per ignorantiam crassam & voluntariam videtur homini recta, non vero de illa qua invincibiliter & inculpabiliter recta existinatur.

Quod vero subnequit Wendorchius de libello repudij, nempe nunquam repudium Iudei licuisse, & hoc constanti Patrum traditione constare, non est certum: nam S. Thomas in Supplemento qu. 67. art. 3. docet probabiliter dici posse, sub lege Moysii licitum fuisse ex permissione divina repudiare uxorem; quod etiam assertunt Scotus, Durandus, Paludanus, & alij antiqui Theologi in 4. Sentent. dist. 33. ubi docent indissolubile matrimonij vinculum divina lege initio fuisse institutum; in hac deinde per Moysem, Dei iussu, ad majus malum vitandum, fuisse dispensatum, seu indultum, ut hoc vinculum propter graves aliquas causas dissolvi posset; ac demum à Christo in nova lege indultum illud repudij abrogatum ac revocatum fuisse.

Errat etiam hic Author, dum confundit opinionem probabilem falsam cum opinione erronea. Prima enim illa est, que licet re ipsa veritatem non attingat, & ei consona non sit, probabilitatem rationi seu veritatislitudini nittitur: secunda vero probabili rationi vel authoritati non nittitur, sed communis Ecclesiæ testimonio, vel SS. Patrum traditioni repugnat. Unde Theologi in tractatu de fide distinguere solent inter proprie- 266. tam falsam, temerariam, erroneam, & hereticam.

Tertulliani locus de spectac. cap. 20. non multum urget: facile enim respondeatur, *nunquam excusari quod Deus damm̄:* quando scienter & voluntariè fiat: Deus enim damm̄ accessum ad uxorem alterius, illeque lege naturali prohibitus est; ignorans tamen invincibiliter non esse suum, excusari apud Deum, ut patet in Jacob quando primò accessit ad Liam. Idem cum proportione dicendum de eo, qui operatur ex opinione probabile falsa, & legi divinae contraria, quam invincibiliter credit esse veram, & legi divinae conformem: nam licet faciat aliquid illicitum absolute & secundum se, ratione tamen ignorantia invincibilis, quæ, ut suprà ostendimus, tollit rationem voluntarij, excusat apud Deum.

Locus etiam D. Bernardi ad rem non facit, nec militat contra nos, qui assertimus hominem semper teneri eligere id quod probabilius, & veritati conformius seu vicinus ipsi appetet, sed solum contra recentiores Casuistas, affirmantes posse eligi sententiam minus probabilem in concursu probabilius: qui enim sic operatur, non habet

in ele^ctione veritatem, cūm non eligat, sed re-
jicit id quod ipfi videtur conformius aut vici-
nus veritati, ut suprā art. 2. §. 2. ponderatum est.
S. V.

Alia wendrochij argumenta solvuntur.

258. **P**atrum testimoniis dogma illud, quo afferit nullam opinionem probabilem falsam exculare à peccato, et si ejus falsitas invincibiliter ignoreatur, probare conatus est. Theologici argumentis illud inititur suadere fect. 2. s. 3. ubi primò sic arguit. Sine gratia nullum opus bonum fieri potest: Sed nunquam gratia est sine cognitione veritatis, & nunquam veritas cum opinione probabili falsa: Igitur ex opinione probabili falsa nullum opus bonum fieri potest.
269. Deinde sic ratio[n]icatur: Peccatum, juxta D. Augustinum & S. Thomam, est factum, dictum, concupitum contra legem aeternam: Sed opus factum ex opinione probabili falsa, ab aeterna lege disidet: Igitur tale opus peccatum est. Unde Augustinus lerm. 44. de diversis cap. 6. ait quod nisi homo secundum justitiam regulam direxerit actus suos, in errorem iniquitatis impingit; & D. Thomas 2. 2. qu. 19. art. 4. docet bonitatem voluntatis pendere ex lege aeterna. Ex quo sequitur voluntatem, cum aeterna lege pugnantem, bonam non esse, ac proinde pravam esse.

270. Tertiò arguit ex verbis illis Apo[stoli] ad Roman. 14. Quod non est ex fide, peccatum est, quod de vera & Christiana fide D. Augustinus & S. Bernardus intelligunt; aut si de conscientia accipiantur, ut vult S. Thomas, certè de conscientia intelligentium est quam dirigit fides, ut idem significat: unde cūm opus procedens ex opinione probabili falsa, non sit ex fide, nec ab ea dirigatur, peccatum est.

271. Denique obicit: Si opinio probabilis falsa, ratione ignorantiae invincibilis, à peccato excusat, sequeretur quod mere opinantium melior esset conditio, quam corum qui veritatem cognoscunt; illi enim excusarentur à peccato, non verò isti: Sed hoc videtur absurdum: Ergo & illud.

272. Hæc sunt præcipua wendrochij fundamenta, que si quid probant, ostendunt non solum non licere sequi opinionem probabilem, sed nec probabilioriem, in d[omi]n[u]m nec probabilissimam: cūm contingere possit, ut suprā diebamus, quod opinio probabilissima sit falsa, & legi aeternæ contraria: unde hæc argumenta contra ipsum militant, & ab eo solvenda sunt: cum ille fect. 4. §. 1. exprefse doceat, è duabus opinionibus contrariis licere amplecti probabiliorēm: videat ergo quomodo tela projecta in ipsum projiciente[m] redeant: Hoc premisko:

273. Ad primum argumentum respondeo negando Majorem, & Minorem: utraque enim propositio falsa est, & à communi Theologorum sensu aliena. In primis falsum est, sine gratia nullum opus bonum fieri posse: licet enim sine illa non possit fieri ullum opus bonum bonitate supernaturali, & meritoria vita aeterna, potest tamen sine illa elici opus bonum bonitate mortali naturali, seu opus honestum & rationi consonum, v.g. colere parentes, subvenire egensis, diligere amicos &c. ut exprefse docet S. Thomas qu. 2. 4. de verit. art. 14. ubi querit, Num liberum arbitrium possit in bonum sine gratia? Et respondet, Quod nulla res agit ultra suam speciem: sed secundum exigentiam sua speciei unaquaque res agere potest, cum nulla res propria actione destinatur. Est autem duplex

A bonum: quoddam quod est naturæ humanae proportionatum; quoddam verò quod excedit humana natura facultatem: putat iste actus, qui est dare elemosynam, est bonum proportionatum viribus huminis, secundum quod ex quadam naturali dilectione vel benignitate homo ad hoc moveretur, excedit autem humana natura facultatem, secundum quod homo ad hoc inducitur ex charitate, que mentem hominis Deo unit. Ad hoc ergo bonum, quod est supra naturam humanam, constat liberum arbitrium non posse sine gratia: quia per huiusmodi bonum homo vitam aeternam meretur; constat autem quod sine gratia homo mereri non potest. Illud autem bonum, quod est natura humanae proportionatum, potest homo per liberum arbitrium explere. De quo plura contra Disp. 1. Bajum & Jansenii dicemus in tractatu de gratia. art. 3.

Similiter falsum est quod addit Wendrochius,

nempe gratiam nunquam esse sine cognitione veritatis, & ardore charitatis: cūm enim ignorantia inculpata & invincibilis juris saltē positivi excusat à peccato, ut ipse fatetur fect. 3. s. 7. stare potest cum gratia habituali & sanctificante, qua solum per peccatum expellitur. Similiter etiam dari potest gratia actualis sine charitatis ardore, ut patet in attritione concepta ex metu gehennæ; illa enim procedit à gratia auxiliante, & sanctificationem præveniente, sive ut loquitur Tridentinum, à Spiritu Sancto nondum inhabitante animam, sed eam mouente ac disponente ad sanctificationem in sacramento obtinendam: unde perperam Adversarius falsum illud dogma Tridentino affingit. Malè etiam usurpat illud quod Ecclesia de Spiritu Sancto canit: Sine tuo nomine nihil est in homine, nihil est innoxium: sensus enim est hominem sine auxilio Spiritus Sancti, vel generali, vel speciali, vel ordinis naturalis, vel supernaturalis, nullum opus bonum & honestum posse efficere, nec ullam veritatem etiam naturalem agnoscere; non verò per hoc significatur, hominem indigere gratia sanctificante, vel speciali ac supernaturali Spiritus Sancti auxilio, ad opera bona & honesta ordinis naturalis elicienda, & veritates naturales cognoscendas. Unde D. Thomas 1. 2. qu. 109. art. 1. ad 1. exponens hæc verba Apo[stoli] 1. ad Corinth. 12. Nemo potest dicere Dominus Iesus, nisi in Spiritu Sancto, & ista Ambrosij, Omne verum à quoconque dicitur, à Spiritu Sancto est, sic ait: Dicendum quod omne verum à quoconque dicitur, est à Spiritu Sancto, sicut ab infundente naturale lumen, & movente ad intelligendum & loquendum veritatem; non autem sicut ab inhabitante per gratiam gratum facientem, vel sicut largiente aliquod habituale donum nature superadditum: Sed hoc solum est in quibusdam veris cognoscendis & loquendis, & maximè in illis que pertinent ad fidem, de quibus Apo[stolus] loquebatur. Et super caput 15. Ioan. lect. 1. exponens verba illa Christi, sine me nihil potestis facere, subdit: Opera nostra aut sunt virtute naturæ, aut ex gratia divina: si virtute naturæ, cūm omnes motus naturæ sint ab ipso Verbo Dei, nulla natura ad aliquid faciendum moveri potest sine ipso: si vero virtute gratia, cūm ipso sit auctor gratia, manifestum est quod nullum opus meritorium sine ipso fieri potest.

Ad secundum respondeo, quod quando à D. Augustino peccatum definitur factum, dictum, vel concupitum contra legem aeternam, hoc intelligendum est de lege aeterna, ut intimata & participata à dictamine rationis, quod est proxima regula actuum humanorum, & quedam aeternæ sententia cuiuslibet sui d[omi]ni R. ij